



Diretora PNDS, Dulce Guterres Junior hamutuk ho Komandante Geral PNTL, no Embaixadora Nova Zelandia Asina akordu Tekniku Implementasaun

Governo Nova Zelandia no Governo Timor Leste presta Nota Intendementu Atu Hala'o Pilotu Hari'i Uma Sanulu Resin Ha'at ba Oficial Polisia Suku (OPS)

Konkordansia ba programa pilotu hari'i uma Oficial Polisia Suku nee positivo ona atu bele implementa hafoin realiza akordu rua entre Ministeriu Interor no Ministeriu Administrasaun Estatal nudar akordu politiku ba apoiu continuidade uma ba OPS depois programa pilotu nee remata. Akordu seluk mak akordu parseria tekniku ne'ebé hala'o entre PNTL, PNDS no MFAT hodi hare liu ba kestaun tekniku implementasaun programa ne'ebé sei uza sistema serbisu hotu iha PNDS hodi koopera ho comunidade sira iha Suku ba hari'i uma OPS. Akordu rua nee hala'o iha salaun Enkontru Ministeriu Interor Dili (01/08/2017) Iha programa apoiu pilotu uma ba OPS, Nova Zelandia sei fo apoiu \$ 500,000 dolar Amerikano ba pilotu hari'i uma Oficial Polisia Suku hamutuk sanulu resin ha'at.

Iha oportunidade nee Embaixadora Nova Zelandia ba Timor Leste, Vicki Poole afirma komitmentu Governo Nova Zelandia katak sira kontinua halo kontribuisaun signifkante ba seguru no asegura comunidade Timor Leste, faze programa pilotu uma OPS hanesan parte ida husi programa apoiu polisiamentu komunitariu iha Timor Leste lao ona durante tinan ha'at ba kotuk.

Entertanto Vice Ministru da Administrasaun Estatal, Tomas do Rosario Cabral programa nee nudar pasu ida tan atu desenvolve suku liu-liu lori asistensia polisiamentu nia ba iha Suku tanba nee maka programa nee sei benefisia tebes Ministeriu da Administrasaun Estatal. Ho nune'e Vice Ministru Estatal lori Ministeriu da Administrasaun Estatal no Governo Timor Leste hato'o agradementu boot ba tulun husi Governo Nova Zelandia ne'ebé bele fo apoiu hodi hakat tan pasu ida hodi lori desenvolvimentu to'o iha comunidade nia le'et.

Autoridade Lokál Munisípiu Bobonaro no Komunitáriu Suku Batugade Asina Akordu Implementasaun Uma Polisia ba Ofisial Polisia Suku (OPS)

Suku Batugade, Postu Administrativu Balibo, hanesan Suku Pilotu husi Munisípiu Bobonaro hodi konstrui uma Polisia ba Ofisial Polisia Suku, programa ida ne'e estabelese liu husi asina akordu entre Presidente Autoridade Munisipál Bobonaro ho Chefe Suku Batugade iha Sede Suku Batugade lora 07/09/2019.

João da Costa, adjuntu Komandante PNTL Munisípiu Bobonaro ne'ebé partisipa iha eventu ne'e, hatete katak uma Polisia Suku ne'ebé atu harii, hanesan fatin ida atu fasilita Ofisial polisia Suku hodi hala'o ninia kna'ar atu nune'e bele garantia estabilidade seguransa iha comunidade nia le'et. iha parte seluk Zeferino S. dos Santos, Presidente Autoridade Munisipál Bobonaro iha nia lia menon ba comunidade Suku katak, xave atu fo susesu ba programa sira hanesan ne'e mak ema hotu nia partisipasaun, tantu ema vulneravel, ferik katuas, juventude inklui ofisial polisia komunitáriu sira atu nune'e bele garantia sustentabilidade.

Programa ida ne'e hetan apoiu finanseiru husi kooperaun bilateral Governu Nova Zelandia ho Governu Timor Leste, montante orsamentu ba Suku Batugade hodi konstrui uma polisia ba Oficial Polisia Suku hamutuk iha \$31,277.00 kompostu subsidiu rua : Subsidiu Operasional : \$1,750.00 ho Subsidiu Infraestrutura : \$29,527.00.

PNDS

Hamutuk Ita
Dezenvolve Nasaun

Outobru 2017

Progresu

Pilotu: Remata ona

Faze 1 Siklu 1 : Remata ona

Faze 2 Siklu 1 : Remata ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, enkontru akontabilidade 50% primeirun)


Faze 2 Siklu 2 : Iha Etapa 10 (Sertifika, enkontru akontabilidade 50% primeiru)

Faze 3 Siklu 2 : Iha Etapa 3 (Transferensia Fundus Operasional)




Prioridades sira lha implementasaun PNDS 2017

Faze I Siklu 2



Faze II Siklu 2



Treinamentu Bajaringan Bele Kapasita Engineiru Sira Oinsá Monta Estrutura Kakuluk Uma Nian

Tipu treinamentu bajaringan hanesan tipu treinamentu spesifiku ba engineiru Munisipiu no Nasional oinsá mak bele kapasita diak liután tékniku sira hodi fasilita comunidade sira oinsá bele monta estrutura uma kakuluk ho diak.

Marsiu J. Marcal nudar participante ba treinamentu espresa nia sentimentu katak treinamentu nee esensial tebes ba sira hanesan tékniku tanba tipu treinamentu nee bele fasilita diak litan sira oinsá sira bele iha koineshementu kona-ba oinsá monta bajaringan ba uma kakuluk, espera katak husi treinamentu nee engineiru sira bele hala'o sira nia kna'ar ho diak liu hodi fasilita comunidade sira.

Nune'e mos participante Martinho de Deus hanesan engineiru Munisipiu Ermera reforsa katak treinamentu ne'e kapás los, nune'e nudar engineiru Munisipiu persija hatene kona-ba oinsá mak bele monta bajaringan uma kakuluk nian hodi bele halo fasilitasaun no orientasaun ba comunidade sira bele wainhira konstrui obra uma ruma ne'ebé comunidade sira propoin hodi hari'i iha sira nia suku. Tipu treinamentu nee fahe ba etapa rua nebe halao durante semana ida, etapa primeiru halao iha lora 3 to'o lora 7 fulan Julho no etapa segundo halao iha lora 10 to'o lora 14 fulan Julho 2017.



Sekretariado PNDS Hala'o Diskusaun ba Mudansa Politika Ekipa Jestaun Suku (EJS) Hodi Halo Alinhamentu ba Lei No 9/2016

Diskusaun kona-ba política EJS atuál no proposta mudansa ba política EJS hodi liga kona-ba lei suku nian hodi halo alinhamentu EJS ba estrutura suku nian. Forum diskusaun nee hala'o iha JL Villa, Fatuhada Dili (07/07/2017).

Iha abertura ba diskusaun proposta mudansa política EJS, Diretora PNDS, Dulce Guterres Junior hatete oinsá mak ita bele haforsa kna'ar no responsabilidade EJS iha futuru persija reajusta ba estrutura suku nian, atu nune'e bele sinkroniza serbisu EJS ho estrutura suku nian.

Iha asuntu ne'ebé liga ho implementasaun programa PNDS Diretora PNDS, Dulce Guterres hateten agora dadaun ita tama ona ba prosesu implementasaun PNDS iha governasaun durante tinan lima nian, tanba projetu hotu husi implementasaun programa PNDS persija finaliza iha fulan Julhu nian laran atu nune'e molok governo formasau governo foun mai Sekretariado entrega ona relatóriu no rekomendasaun ba implementasaun programa PNDS no ba futuru implementasaun programa nee atu lao oinsá.

Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl